

# **Vischnaunca da Medel/Lucmagn**



**Lescha  
per il stab directiv communal SDC  
dalla  
vischnaunca da Medel/Lucmagn**

## I. Organisaziun e direcziun

---

Sebasond sin art. 5 dalla lescha davart la protecziun dalla populaziun dil cantun Grischun, nominescha la vischnaunca in stab directiv communal SDC e circumscriva ils pensums e las cumpetenzas da tal.

### Art. 1 General

Il SDC ei suttamess directamein alla suprastonza communal. El vegn activaus da tala en cass da prighel e catastrofas.

### Art. 2 Intent

Igl intent dil SDC ei la coordinaziun denter ils corps d'agid existents dalla vischnaunca da Medel (pumpiers, survetsch da lavinas e prighels dalla natira, uniu samaritana, schurmetg civil Surselva) en cass da prighels e catastrofas.

## II. Repartiziun dils pensums

---

### Art. 3 Stab parzial prighels dalla natira

Ils commembers dil stab parzial prighels dalla natira observan irregularitads e prighels ed annunzian tals alla suprastonza communal.

### Art. 4 Suprastonza communal

La suprastonza communal

- a) ei responsabla per la preparaziun digl agid da catastrofas;
- b) secussegli cul stab parzial prighels dalla natira;
- c) pren las decisiuns da principi tier ina missiun da catastrofa;
- d) mantegn en mintga cass la responsabladad suprema;
- e) alarmescha il SDC;
- f) nominescha in menader d'acziun.

Il cau dil departament cloma inagada ad onn il SDC ad ina seduta.

## **Art. 5      Stab directiv communal SDC**

Il stab directiv communal

- a) ei igl organ coordinativ en cass da prighels e catastrofas;
- b) coordinescha las mesiras ed exequesch la decisiuns tenor ordra dil menader d'acziun.

## **Art. 6      Menader d'acziun**

Sco menader d'acziun funcziunescha il chef dil stab directiv resp. il nominau persuenter.

Il menader d'acziun

- a) tgamuna il post da commando;
- b) decida sur dalla lavur ed organisaziun dil stab;
- c) meina il SDC duront l'acziun;
- d) coordinescha las decisiuns en entelgientscha cun la suprastanza communal.

## **Art. 7      Pensums e cumpetenzas dil SDC**

Ils pensums e las cumpetenzas dil SDC ein descrets el carnet da duers dil SDC.

## **Art. 8      Post da commando**

Il post da commando vegn endrizzaus a Curaglia en la Tgasa Lucmagn, Via Lucmagn 32, resp. a Curaglia en la Scoletta, Via Lucmagn 18, sco post da reserva.

## **III.      Determinaziuns finalas**

---

### **Art. 9      Vigur**

Questa lescha passa en vigur cun l'acceptaziun dalla radunanza communal. El remplaizza il reglament per il stab da commando communal SCC per la vischnaunca da Medel/Lucmagn dils 20 da mars 2003.

Questa lescha ei vegnida approbada dalla radunanza communal dils 7 da december 2023.

Il president communal:

Claudio Simonet

Il canzlist communal:

Valentin Pally